

Inatsisartunut ilaasortaq Finn Karlsen, Siumut  
Inatsisartut  
/MAANI

19. apr 2012  
Sagsnr. 2012-064633  
Dok. Nr. 885462

## **Sinerissamut qanittumi qaleralinniarneq pillugu § 37 tunngavigalugu apeqqummut 2012-095-mut akissut**

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.nanoq.gl

Inatsisartut suleriaasianni § 37, imm. 1 naapertorlugu sinerissamut qanittumi qaleralinniarnermut tunngatillugu apeqquteqarputit. Apeqqutit uannit akineqartussanngorlugit innersuussutigineqarput.

### **Apeqqutit:**

- 1: Aalisartut qaleralinnik aqutsiveqarfinni taama tukatsigisumik sullinneqarnerat sumik tunngaveqarpa?
- 2: Ukiumoortumik pisassinneqartut tupinnaannartumik tonsinik ikittuarannguaannarnik pisassissinneqarnerat sumik tunngaveqarpa?
- 3: Aqutsiveqarfiit ilaanni umiatsiaararsortunut "paggatassatut" tunniunneqartut ukioq imaaliinnartoq nungulluinnarput, taama nunguaartigissappata umiatsiaararsortut ukiup sinneranut Naalakkersuisunit qanoq aaqqiivigineqassappat?

### **Akissut:**

1-imut) Siullermik erseqqissaatigissavara isumaqarama sinerissamut qanittumi qaleralinniarnernup aqunneqarneranut atatillugu sulianik suliarinninneq illit oqaatigisattut tukattuusimangitsaq. Akerlianilli aalisartut ataasiakkaat angallataannut pisassiissutit peqqissaarluinnarluta tutsuiginartumillu naatsorsorneri Aalisarnermut, Piniarnermut Nunalerinermullu Naalakkersuisoqarfimmi suliarisimavagut.

2-mut) Aalisartunut ataasiakkaanut pisassiissutinik tunniussinerit ukiuni 2009-mi, 2010-mi aamma 2011-mi tunisaasa agguaqatigiissinnerinik pingaartitsineq tunuliaqutaralugu naatsorsorneqarsimapput. Pingaartinneqartut tassaasimapput:

**2009:** 20 %, **2010:** 30 % og **2011:** 50 %.

3-mut) Imatut pisoqarpoq qalerallit pillugit aqutsiviusuni pingasuni tamani paggatassiinermik taaneqartoq malillugu suli aalisartoqarmat. Manna tikillugu periusiusimasoq nanginneqarpoq. Ilisimavara ukioq manna ukiut siuliinut naleqqiullugu annertunerusumik aalisartoqartoq. Taamaattumik aalisartunut kaammattuutigissavara aalisarnertik naleqqussaqqullugu, taamaalilluni aalisarneq ukioq naallugu ingerlassinnaalersillugu. Taamaammatt naatsorsuutigineqassanngilaq pisassiissutit 2012-mi qaffanneqassasut.

Eqqortumik pisoqarnissaa pissutigalugu naggasiullugu ilisimatitsissutigissavara akuersissutinik imaluunniit pisassiissutinik peqquteqartumik 2012-mi aalisakkat arlaannaanulluunniit pillugit tunisinermik matusisoqarnikuunngimmat. Akerlianilli saarullinnut qalerallinnullu akuersissutit 2012-mi martsip qaammataata naaneranut sivitsorneqarsimapput. Aalisartut 2012-mi akuersissuteqarsimasut taamaalillutik tunisinissaminnut periarfissaqartuarsimapput.

Kiisalu Naalakkersuisoqarfiup aallartissimasaa sinerissamut qanittumi qalerallinniarnep iluani maleruagassat nutaat pillugit paasissutissiinarneq annertoq eqqaassavara. Paasititsiniaanermut tassunga ilaatigut ilaasimavoq februarimi sineriak sinersorlugu sapaatit akunnerini pingasuni angalaneq, maleruagassat nutaat pillugit KANUAANap tungaaniit paasissutissiisoqarsimalluni. Tassunga atatillugu aamma eqqaaneqassaaq uanga nammineq qalerallinniarnep siunissami aqunneqarnissaa pillugu paasititsiniaallunga avannaani qalerallinniarfiusuni innuttaasunik ataatsimiisitsisarsimagama. Taakku saniatigut quppersakkat allagartarsuillu aamma TV-kkut radiokkullu naatsunik aallakaatitassianik ilaneqartut piffissami sivisuumi ingerlanneqarput. Tassunga atatillugu aamma ilisimatitsissutigisinnavara 2012-mi martsip qaammataata naanissaa sioqqullugu pisassiissutinit pigisassatik pillugit paasissutissanik aalisartut tigusaqarnissaannik paasissutissiisunik TV-kkut aallakaatitassiaaqqanik ilanngussisoqartarsimavoq. Taakku saniatigut pisassiissutinik pigisassanik tunniussinermut atatillugu naammagittaalliuuteqarnissamut periarfissat pillugit paasissutissanik aallakaatitassiaaqqat aamma imaqarsimapput.

Ikinngutinnersumik inuulluaqqusillunga

Ane Hansen